

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

III. Quænam generatim sint proprietates & notæ veræ Ecclesiæ.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

DVBIVM III.

Quenam generatim sint proprietates, & nota vera Ecclesia.

Ad S. Thomæ 2. 2. q. 1. a. 9. & 10.

66

Postquam dubio præcedenti essentiam & membra vera Christi Ecclesiæ declarauimus, sequitur, ut eiusdem proprietates ac notas explicemus. Neque enim dubium est, ut res quælibet suas habet proprietates, quæ essentiam consequuntur, suasque notas, quibus ab alijs discernitur; ita etiâ veram Christi Ecclesiæ suas & proprietates, & notas habere: quarum etiam cognitio maximi momenti est, ut inde posse colligamus, quæ sit vera Christi Ecclesia, quam audire debemus.

Primo igitur queritur, quænam sint proprietates Ecclesiæ. Respondeatur, tametsi in numero proprietatum Ecclesiæ designando, ipsisque proprietatibus recensendis, Catholici scriptores nonnihil varient, re ipsa tamen nullam esse disensionem; siquidem diuersa ratione plures, aut pauciores numerari possunt; neque semper propositum illis fuit, exâcte omnes numerare, sed eas, quæ vel potissimum, vel magis perspicua & notabiles viderentur. Quales mihi quidem præcipue videntur esse octo illæ, quas partim recepta Ecclesiæ symbola, partim scriptura exprimitur, ac orthodoxi omnes re ipsa agnoscunt, ut recte notauit Gregorius de Valentia hic quæstione 1. pun. 1. §. 16. quas nunc etiam ordine explicabimus.

67

Prima igitur Ecclesiæ proprietas est, esse unam. Habetur expresse in symbolo Nicano; & probatur ex scriptura Cant. 6. v. 8. *Vna est columba mea: quod non solum ad animam in amore perfectam, sed etiam ad Ecclesiam Christi merito refertur.* Idem colligitur ex Apostolo 1. Cor 12. v. 14. & 20. & Coloss. 3. v. 15. vbi Ecclesiæ comparatur *vni corpori*. Idem repetit Ephes. 4. vers. 4. *Vnum corpus, & unus spiritus; sicut vocati estis in unaesse vocationis vestre.* Et addit v. 5. *Vnus Dominus, una fides, unum baptisma, una Deus & Dominus.* Vbi etiam rationes huius unitatis explicat.

68

Dicitur enim Ecclesia Christi una, non solum quod sit una vera Ecclesia Christiana, & non plures; sed etiam quia firmiter in se cohæret, eiusque membra inter se stabili vniōne coalescunt, idque varias ob causas. I. Ob vnum authorem & principium, Deum nimirum ipsum, per quem conuocata & congregata est, quod indicat Apostolus cit. Ephes. 4. *Vnus Deus, &c.* II. Ob unitatem finis, nimirum vita æterna, quam speramus; quod significat verba Apostoli; *In unaesse vocationis vestre.* III. Ob unitatem modorum generalium, quibus hunc finem consequimur, nempe fidei & baptismi. Unica enim tantum est fides Christiana, & una uniformisq; per omnia fidei doctrina; non in varias sectas & contradicentes sententias diuisa: quod significant verba Apostoli, *Vna fides, unum baptisma.* &c. IV. Ob unitatem seu uniformitatem

69

vnius spiritus gratiae & charitatis, quo fideles præcipue viuiscantur, iuxta illud Apostoli, *Vnus spiritus.* Vnde etiam in primitiva Ecclesia dicitur, credentium fuisse *Cor unum, & anima una.* Act. 4. vers. 32. V. Una etiam dicitur Ecclesia, ut optimè notauit Catechismus Romanus, ob unitatem Capitis & Rectoris, non solum supremi & invicibilis, qui est Christus; sed etiam subordinati & visibilis, qui est Romanus Pontifex; quem ipse Christus Matthæi 16. vers. 18. & Ioannis 2. 1. vers. 17. tanquam Vicarium suum toti Ecclesiæ præfecit, ut ex instituto dicetur dub. 6. Et ratio est: quia haec unitas capitis visibilis necessaria est ad unitatem fidei constanter retinendam, ut colligatur ex dictis dub. 1.

Secunda proprietas Ecclesiæ est, esse sanctam. Habetur expresse in symbolo Apostolico, & Niceno: & colligitur ex scriptura varijs in locis. Ut Cantic. 6. vers. 9. vbi de sponsa Christi Ecclesia dicitur: *Quæ est ista, quæ progreditur, quasi aurora consurgens, pulchra ut luna, electa ut sol.* Isaïæ 61. v. 3. *Vocabuntur in ea fortis iustitia, plantatio Domini ad glorificandum.* Osee 2. v. 19. Et sponsabo te mibi in sempiternum: *Sponsabo te mibi in iustitia, & in dicio.* Ephes. 5. v. 26. *Viri dilegite uxores vestras, sicut & Christus dilexit Ecclesiam, & seipsum tradidit pro ea,* ut illam sanctificaret, mundans illam lacrima aqua, in verbo vite. Tit. 2. v. 14. *Dedit semetipsum pro nobis ut nos redimeret ab omni iniunctitate, & mundaret sibi populum acceptabilem, & factorem bonorum operum.* I. Petri 2. v. 9. *Vos autem genitio electum, regale sacerdotium, gens sancta, populus acquisitionis: ut virtutes annuntiant eum, qui de tenebris vos vocavit in admirabile lumen suum.* *Qui aliquid non populū, nunc autem populū Dei: qui non consequunti misericordiam, nunc autem misericordiam consequunti.*

Est autem & vocatur Ecclesia sancta, ut ex ijsdem scriptura locis colligitur. I. Ob sanctitatem authoris & Capitis sui, qui est Christus, cui Ecclesiæ corpus coniungitur, & cuius efficacia sanguinis coaluit. II. Ob sanctitatem finis, quia nimirum Deo diuinoq; cultui, consecrata & dedicata est; quemadmodum eriam vestes & vasa diuino cultui destinata sancta dicimus. Quo sensu etiam Apostolus 1. Cor. 1. v. 2. suos Corinthios sanctificatos & sanctos vocat, et si nonnullos eis tanquam carnales & malos reprehendat.

III. Ob totius instituti sanctitatem, & efficaciam ad sanctitatem comparandam. Non enim tantum finis Ecclesiæ sanctus est, sed etiam media, hoc est, instituta, præcepta, consilia, Sacramenta & secundum se sanctissima sunt, & ad sanctitatem dignandam accommodatissima & efficacissima, iuxta illud psalm. 18. v. 8. *Lex Domini immaculata, convertens animas: testimonium Domini fidele; sapientiam prestans parvulis.* *Instituti Domini recte latificantes corda: præceptum Domini lucidum illuminans oculos;* Vbi vocula convertens animas efficacia doctrine, reliquæ sanctitatæ eius & puritatæ significant. Et Sapientia 8. v. 4. *Doctrina enim est (Sapientia) disciplina Dei, & electrix operum eius.* *Sobrietatem enim & prudentiam doceat, & iustitiam & virtutem quibus, utilius nihil est in vita homini-*

hominibus. Et Sap. 7. v. 22. Spiritus Sapientiae vocatur sanctus, inconquisitus, certus, suavis, amans bonum. Quem spiritum in vera Ecclesia esse, nemo potest dubitare. Quo sensu etiam Religiosi ordines dicuntur Sancti; quia sanctis regulis & institutis continetur, etiam si quidam à regula declinarent.

I V. Obcopiam & varietatem diuinorum charismatum, quæ Ecclesiæ membris à Deo distribuuntur, de quibus Apostolus 1. Corinth. 12. 13. & 14. & Ephes. 4. à versu 11. Quibus scilicet gratiæ donis non modo efficaciter iuvari ad legem seruandam possint singuli, sed etiam alios ad Deum sanctè colendum, eiusq; precepta seruâda inducere.

73 *V. Sancta deniq; Ecclesia dicitur, quia secundum præcipua membra caret peccati mortalis malitia, quæ sola cum gratiæ & charitatis sanctitate stare non potest. Quo modo sancta dicitur per synecdochen; sicut gens aliqua dicitur bellicosa, etiam si multi sint in ea imbellies. Quam sanctitatè Ecclesiæ in primis etiam indicant scripturae testimonia superius adducta: eademq; probat parabolæ tritici & cizianiorum, itemq; parabolæ sagene bonos & malos pisces congregantis, Matthæi 13.*

Tertia Ecclesiæ proprietas est, esse Catholica; hoc est vniuersalem, græca appellatione, à ναός ὁλον quasi secundum rotum vel per totum, seu vniuersum. Habetur expresse in vtroq; Symbolo Nicano, & Apostolico: ex quo tamen Lutherus in suo catechismo vulgari, vocem Catholicam nefarie eliminavit; substituta eius loco voce Christianam; ne scilicet velipsa symboli recitatione sua synagogæ vanitatem proderet. Et mendaciū est Hunnij, qui Lutherum ab hoc sceleri excusare volens, in examine p̄fationis Colloquij Ratisponensis, dicit, Christianam & Catholicam, esse terminos ιερουργίας, seu æquivalentes. Sunt enim diuersissima rationis & significationis; ita quidē ut Christiani appellatio eam nequaquam vim habeat, ad distinguendos veros fideles ab hereticis, quā habet vox Catholicæ, ut inferius dicetur.

Neque refert, quod interim vtrāq; ea vox inter se, & cum vera Ecclesia conuertatur. Id enim non sufficit, ad excusandum flagitium Lutheri: alioqui pariter excusandus esset Manichæus, si in symbolo pro Patrem Omnipotentem, Creatorem calicis terra, posuisset Patrem bonum, Creatorem lucis. Aut si Ebion vel Heluidius, pro Natus ex Maria Virgine, posuisset terminos conuertibiles, Natus ex Maria Iosephiconiuge. &c. quæ tamen omnia, vanæ, nefaria, sacrilega sunt, ut fusus ostendi in Apologetico eiusdem p̄fationis c. 5.

Dicitur autem Ecclesia vera Catholica, non ideo tantum, quia profitetur doctrinam Catholicam, Catholicis libris proditam; aut quianulli sit alligata loco, aut genti, vel personarum generi, ut Sectarij volunt; sed vel maxime à positiva quædam vniuersalitate locorum. Nam vt eleganter Vincentius Lyrinensis cap. 3. contra hæreses ait: vere proprieque Catholicum (in fidei doctrina) est, id tenere, quod ubique, quod semper, quod ab omnibus creditum est, ut ex scripturis manifestissime colligatur. Nam de vniuersalitate temporum, qua ad finem

vsque mundi, à primo sui exortu perpetuo sic permanens, loquuntur hæc scriptura loca. Psalm. 88. vers. 30. Ponam in seculum facili semen eius; & thronum eius sicut dies carli. Isaiae 33. vers. 20. Reffice Sion ciuitatem solemnitatis nostræ; oculi tui videbunt Hierusalem habitationem opulentam, tabernaculum quod nequaquam transferri poterit: nec auferentur clavi eius in sempiternum, & omnes funiculi eius non rumpentur. Isaiae 59. v. 21. Hoc fedus meum cum eis, dicit Dominus: spiritus meus, qui es iste (o Christe) & verba mea, quæ posui in ore tuo, non recessent de ore tuo, & de ore seminis tui, & de ore seminis seminis tui, dicit Dominus, amodo & usque in sempiternum. Isaiae 62. vers. 6. Super muros tuos Hierusalem constitui custodes tota die, & tota nocte: in perpetuum non tacebunt, Danielis 2. vers. 44. In diebus regnum illorum suscitabit Deus caeliregnum, quod in eternum non disperbitur. Osee 2. vers. 19. Sponsabo te mihi in sempiternum. Michea 4. vers. 1. Et erit: in nouissimo erit mons domus Domini. & regnabit Dominus super eos in monte Sion, ex hoc, nunc, & usque in eternum. Quæ omnia pertinere ad Ecclesiam Christi, ex contextu & circumstantijs locorum evidens est. Vbi etiam obseruandum, sermonem esse de Ecclesia visibili, in qua vera fidei doctrina sonet & palam audiatur, ut in primis patet ex citato loco Isaie. 59. & 62.

76 *Eadem perpetuitas Ecclesiæ Christi aperte etiam declaratur in scriptura noui testamenti Lucæ 1. vers. 32. Dabit illi Dominus Deus sedem David patris eius & regnabit in domo Iacob in eternum, & regne eius non erit finus. Matthæi 16. vers. 18. Super hanc petram adificabo Ecclesiam meam, & porta inseri non prævalebunt aduersus eam. Matthæi 28. v. 20. Ecce, Ego vobis sum omnis diebus, usq; ad consummationem saeculi. Ioannis 14. v. 16. Ego rogabo Patrem, & alium Paraclitum dabit vobis, ut maneat vobis cum in eternum. Luca 22. v. 32. Ego autem rogavi pro te, ut non deficiat fides tua. Ephes. 4. v. 11. Et ipse (Deus) dedit quodam quidem Apostolos, quodam vero Prophetas, alios vero Evangelistas, alios autem Pastores & Doctores, ad consummationem Sanctorum, in opus ministerij, in adiunctionem corporis Christi: donec occurramus omnes in unitatem fidis. Quibus verbis expresse docet Apostolus, non defuturos unquam suæ Ecclesiæ veros pastores & Doctores; ut proinde etiam his locis de Ecclesia visibili sit sermo.*

Quæ omnia euidenter damnant Sectarij huius temporis errorē, cum aiunt, verâ Ecclesiæ Christianâ, veramq; fidem ac doctrinâ defecisse, totque seculis in tenebris ac puluere consupulta tacuisse, ut pluribus dicitur dubio seq. Atq; hæc ipsa etiam proprietas Catholicæ Ecclesiæ hoc sensu explicata, vocatur perpetuitas sive indefectibilitas; in hoc scilicet cōsistens, quod vera Ecclesia Christiana à prima sui fundatione per Christum facta, usque ad finem mundi, nec defecit unquam, nec deficerre potuit.

77 *Vniuersalitatem autem locorum non minus aperte scripturæ testimonia attestantur. Ut psalm. 2. vers. 8. Dabo tibi gentes hereditatem tuam, & possessionem tuam terminos terre. Et psalm. 18. v. 5. In omnem terram existit sonus eorum: & in fines orbis terra verba eorū. Quæ ad Apostolos, & fidei Christianæ*

prædicatores referuntur, Rom. 10. v. 18. Item. Psal. 21. v. 28. Reminiscentur & conuertentur ad Dominum uniuersi fines terra, &c. Psalm. 71. vers. 8. Et dominabitur a mari, usq; ad mare, & a flumine usq; ad terminos orbis terrarum, &c. Omnes gentes seruent ei. Psalm. 97. vers. 2. Notum fecit Dominus salutare suum, in conspectu gentium resulauit iustitiam suam. &c. Viderunt omnes termini terræ salutare Dei nostri. Isaia 52. vers. 10. Parauit Dominus brachium sanctum suum in oculis omnium gentium, & videbunt omnes fines terra salutare Dei nostri. Isaia 60. v. 3. Ambulabunt gentes in lumine tuo; & reges in splendore ortu tui. Isaia 61. v. 9. Scient in gentibus semen eorum, & germen eorum in medio populorum: omnes qui viderint eos, cognoscant illos, quia isti sunt semen, cui benedixit Dominus, &c. Sicut enim terra profert gerumen suum, & sicut horus semen suum germinat, sic Dominus Deus germinabit iustitiam & laudem eoram uniuersis gentibus. Malachie 1. v. 11. Ab ortu solis usque ad occasum, magnum est nomen meum in gentibus: & in omni loco sacrificatur, & offeratur nomini meo oblatione munda: quia magnum est nomen meum in gentibus, dicit Dominus exercituum. Matthaei 24. v. 14. Et prædicabitur hoc Evangelium regni in uniuerso orbe, in testimonio omnibus gentibus: & tunc veniet consummatio. Matthaei 28. v. 19. Euntes ergo docete omnes gentes. Lucae 24. v. 47. Oportebat prædicari in nomine eius pænitentiam, & remissione peccatorum, in omnes gentes, incipientibus ab Hierosolyma.

Ex quibus colligitur, veram fidem & Ecclesiam Christi per omnes gentes diffusam esse debere, & sic in omnibus prædicata fuit, adhuc prædicandam esse. In quem sensum Augustinus lib. de unitate Ecclesiae cap. 6. & sequentibus ita contra Donatistas differit, tanquam si ex instituto contra nos Sacerdos scribere, eorumque fruviolas obiectiones in hoc argumento refutare decreuisset, vt pluribus demonstrauit in anatomia confessionis Augustinae part. 2. demonstrat. 3. §. 3. & 6. & in apologetico prefationis Protocolli Monacensis de Colloquio Ratisponensi cap. 5. Ecce vestigia lector habeat, quā fortia sunt hæc Augustini cap. 6. Benedicentur in semine tuus omnes gentes. Ecce testamentum Dei, aperite aures. Homines, inquit, confirmatum testamentum nemo irritum facit; aut superordinat: quare vos (haeretici) irritum facitis testamentum Dei, dicendo, nec in omnibus gentibus esse complenum, & perisse iam de gentibus, in quibus erat semen Abraham: quare superordinatis dicendo: in nullis terris haeredem permanere Christum, nisi ubi potuerit haeredem habere Donatum, (sive Lutherum?) Et infra: Date mihi hanc Ecclesiam, si apud vos est; ostendite, vos communicare omnibus gentibus, quas iam videmus in hoc semine benedici; date hanc, aut furore deposito, accipite. Ita Augustinus.

Qui etiam Epist. 50. ait: Innumerabilia sunt testimonia librorum Sanctorum, in quibus apparet Christi Ecclesia non in sola Africa (Europa,) sicut isti impudentes & vanitate delirant, sed toto orbe terrarum diffusa.

Neque vero SS. Patres rem ipsam solam, per nomen Catholicæ significatam, sed & nomen quoque ipsum censuerunt esse proprietatem & notam veræ Ecclesie: Vnde Augustinus contra-

Epist. fundamenti cap. 4. Tenet me, inquit, in Ecclesiæ ipsum Catholicæ nomen: quod non sine causa inter tam multas haereses sic ista Ecclesia obtinuit, ut cum omnes haeretici se Catholicæ dici velint, querenti tamen perigrino alicui, ubi ad Ecclesiam Catholicam conueniantur, nullus haereticorum vel basilicam suam, vel domum audeat ostendere. Et libro de vera Religione cap. 7. Tenenda est nobis Christiana Religio, & eius Ecclesia communicatio, qua Catholicæ est, & Catholicæ nominatur non solum a suis sed etiam ab omnibus inimicis. Velint enim nolint, ipsi quoque haeretici & schismatum alium, quando non cum suis, sed cum extraneis loquentur, Catholicam nihil aliud, quam Catholicam dicunt: non enim possint intelligi, nisi hoc nomine eam discernant, quo ab uniuerso orbe nuncupatur.

Idem tradit Augustino paulo antiquior Cyrillus Hierosolymitanus Catechesi 18. qui & ipse hanc fideli bus regulam tradit, ad veram Ecclesiam ab haereticorum conuenticulis vbiuius terrarum dignoscendam: Si invenieris in aliquam urbem, non petas, ubi sit Ecclesia, vel dominus Dei; nam etiam haeretici dicunt, se habere dominum Dei, & Ecclesiam; sed petas, ubi sit Catholicæ Ecclesia. Id enim nomen proprium huius sanctæ Ecclesie Matris omnium nostrum, qua est sponsa Domini nostri IESU CHRISTI unigeniti filii DEI.

Sed & vtroque antiquior Pacianus, eandem plane contra Nouatianos haereticos dignoscenda certa fidei & Ecclesiæ regulam prescribit, epistola 1. ad Sympron. Ego forte ingressus, inquit, populosam urbem hodie, cum Marcionitas, cum Apollinarices, Cataphrygas, Nouatianos, & ceteros eusmodi (haereticos) compressem, qui se Christianos vocarent; quo cognomine congregationem mea plebis cognoscerem, nisi Catholicæ diceretur? Et infra: Catholicum istud nec Marcionem, nec Apolem, nec Montanum sonat; nec haereticos sumit autores, &c. Et rursus inferius: Ne aestuas si uer, Christiani mihi nomen; Catholicus vero cognomen: illud me nuncupat, istud offendit; hoc probor, inde significor. Et rursus: Ab haeretico nomine noster populus hac appellatione diuiditur, dum Catholicus dicitur.

Eodem modo ante plus mille trecentos annos Cyprianus passim, speciatim Epist. 41. 42. 43. 44. & 45. & rursus ante mille quadringentos annos Tertullianus libro de prescriptionibus contra haereticos cap. 26. & lib. 7. contra Marcionem cap. 17. veram Christi Ecclesiam Catholicæ nomine insigni, insigniendamque supponunt: vt plane manifestum sit, ex doctrina Patrum, ipsoque vsu ac traditione Ecclesie, ipso nomine Catholicæ, veram Christi Ecclesiam, ab omnibus haereticorum synagogis discerni; ac proinde veram Christi Ecclesiam non esse, quæ hoc nomine non gaudeat.

Quarta proprietas Ecclesiæ est, esse Apostolicam. Ita enim vocatur in symbolo Niceno, & colligitur ex S. Paulo Ephes. 2. v. 14. Iam non estis hostes & aduersari: sed estis cives Sanctorum & domestici Dei: superedificati super fundamentum Apostolorum, & Prophetarum. Et Apocalypsis 21. vers. 14. Et murus ciuitatis habens fundamenta duodecim; & in ipsis duodecim nomina duodecim Apostolorum Agni.

Rationes eius appellationis sunt manifestæ. Vocabatur enim Apostolica I. quoniam in Apostolis initium habuit; qui *primitias spiritus accepérunt*, Rom. 8. v. 23. II. *Quia ab ipsis propagata est per vniuersum orbem*. III. *Quia etiamnum antiquam Apostolorum fidem & doctrinam, sive scripto, sive voce traditam continua successione diligenter retinet, & obseruat*. IV. *Denique quia habet Pastores & Doctores, qui continua successione & serie per legitimam vocacionem ab Apostolis ad nos usque descenderunt; vt patet ex illo citat*, Ephes. 4. vers. 11. *Et ipse dedit quosdam quidem Apostolos; quosdam autem Prophetas; alios vero Euangelistas; alios autem Pastores & Doctores, ad consummationem Sanctorum &c.* Eodem pertinet loca Isaæ 59. & 69. superius relata, quibus perpetua Doctorum & prædicatorum veræ fidei in Ecclesia Christi successio demonstratur.

Quæ quidem successio tanti semper facta est à Patribus, vt etiā ob solius huius defectum, quo usi hereticos de falsitate coniugios existimarent, vt viderer est apud Origenem lib. I. Peri archôn Irenæum lib. 3. cap. 3. & lib. 4. cap. 43. & 45. Tertullianum lib. præscript, contra hæreses cap. 19. 20. & 32. & lib. 3. contra Marciionem cap. 9. Cyprianum epist. 52. 77. & lib. de vnitate Ecclesiæ cap. 8. Opratum Mileitanum lib. 2. contra Parmenianum, Epiphanius hæresi 27. Augustinum in psalmo contra partem Donati, & contra Epistolam fundamenti cap. 4. Qui etiam idcirco Successionem Sacerdotum in Ecclesia Catholica pro fidei motu & arguento adducit, vt pluribus retuli & demonstrauit pars 2. anatomia confess. Augustianæ de monst. 4. §. 2.

Quinta proprietas Ecclesiæ est, esse recte ordinatam, non vero confusam quandam hominum multitudinē. Colligitur hæc proprietas apertissimè ex multis appellationibus, quæ in scriptura Ecclesiæ tribuuntur. Ideo enim vocatur Cant. 6. v. 9. *Castrorum agnes ordinata*. Matthæi 5. v. 14. *civitas super montem posita*. Matthæi 25. vers. 1. Regnum. I. Corinth. 3. v. 17. Templum. Hebr. 3. vers. 6. Domus. Hebr. 8. v. 2. Tabernaculum: quæ omnia suse explicat & persequitur Turrecromata lib. 1. de Ecclesia cap. 3. 1. Accommodatissimum verò ad propositum est nomen corporis, quod ei tribuit Apostolus Rom. 12. v. 4. & Ephes. 4. v. 7. Sicut enim in uno corpore varia sunt membra, inter se quidem & cum capite visibili connexa, & ab eodem dependentia; sed officijs & actibus distincta; ita in Ecclesia multi sunt fideles, inter se quidem per fidem & sacramenta copulati, sed officijs, gradibus, & actibus distincti, vt eleganter declarat Apostolus locis cit. & persequitur Gregorius Nazianenus in oratione de moderatione in disputat. habenda. Sunt enim in Ecclesia manus, sunt pedes, qui obsequi debent; sunt oculi, qui operationes pedum manumque dirigere, hoc est, alios docere & regere debent, quales nimur suū Pastores & Doctores legitimate ad hoc munus vocati, quos Christus dedit Ecclesiæ ad consummationem Sanctorum, &c. vt iam non simus parvuli fluctuantes, & circumferamus omni vento doctrinæ, in inequitia hominum, in

astutia, ad circumventionem erroris, vt ait Apostolus cit. Ephes. 4. vers. 14. Est etiam aliquod visibile caput, cuius necessitatem vel ex ipsa etiam ratione naturali demonstrauimus dub. i. idque pluribus probabimus quæst. sequent. Hac enim omnia membra inter se connexa sunt, sub uno Summo capite Christo (suum nihilominus in terra Vicarium habente) iuxta Apostolum Ephes. 4. v. 16. *Ex quo totum corpus compactum est & connexum per omnem iuncturam subministratio[n]is secundum operationem in membrorum unius eiusdem membris.*

85

Sexta Ecclesiæ proprietas est, esse visibilem, non hoc tantum sensu, quod constet ex hominibus, qui videntur; nec ideo, quia ipsius intima ratio & essentia, eiusque proprietates omnes sint, aut esse debeat visibles, nec ideo etiam, quod singula illi⁹ membra evidenter cognoscac discerni posse debeat, vt existimasse videntur Doctores illi, qui ob hanc causam, solam externam fidei professionem necessariam esse putarunt, ad membrum Ecclesiæ constituendum, quos refutauimus dubio præcedenti: siquidem etiam homo recte visibilis dicitur, licet quædam eius membra sint occulta, vt cor, iecur, viscera &c, quæ videri non possunt.

Sed dicitur Ecclesia visibilis, duabus de causis. I. Quia vera doctrina ac professio fidei, & legitima Sacramentorum administratio, in ea perpetuo vigere, ac palam in oculos & aures incurere debet. II. Quia adeo insignibus quibusdam notis, inter omnes alios cœtus seu Gentilium, seu hereticorum eminere debet, vt evidenter credibile fiat, eam solam esse veram Christi Ecclesiæ, ad quam omnes iure ac merito aggregari possint & debeat, vt recte declarauit Gregorius de Valentia q. 1. punct. 7. §. 9.

Probatur hæc proprietas ex scriptura; Isaæ 61. v. 9. *Fædus perpetuum feriam eis. Et scient in gentibus semen eorum, & germen eorum in medio populorum: omnes qui viderint eos, cognoscant illos, quia ipsi sunt semen, cui benedixit Dominus.* Vbi expresse indicatur excellens illa Ecclesiæ, per quam omnibus quasi manifestum, seu evidenter credibile fiat, eam esse veram Christi Ecclesiæ. Isaæ 2. v. 2. *Et erit in nouissimis diebus preparatus mons domus Domini, in vertice montium, & eleuabitur super colles (hoc est, eminebit super omnes reliquos cœtus) & fluent ad eum omnes gentes. Et ibunt populi mulier & dicent: venite & ascendam ad montem Domini, & ad domum dei Jacob: & docebit nos vias suas, & ambulabimus in seminitis eius: quia de Sion exibit lex, & verbum Domini de Hierusalem.* Vbi pura fidei doctrina, cum eximia Ecclesiæ claritate ac excellencia coniungitur, vt pluribus differit Augustinus tract. I. in Epistolam Ioannis. Similis est locus Micheæ 4. v. 1.

Item Psalmo 18. v. 6. de eadem Ecclesia dicitur: *In sole posuit tabernaculum suum, hoc est, vt ait Augustinus, in euudem psalmum, Ecclesiæ suam in manifestatione.* Et psalmo 88. v. 38. *Et chronus eius sicut sol in conspectu meo, & sicut luna perfecta in eternum.* In quem sensum etiā Hieronymus in dialogo contra Luciferianos ait: *Poteram omnes propositionum tuarum riuulos uno Ecclesiæ sole siccare.*

86

Item Matthæi 5. v. 14. de vera Ecclesia eiusque Pastoribus dicitur; *Vos estis lux mundi.* Non potest cunctas abscondi supra montem posita. Neque accendunt lucernam & ponunt eam sub modo, sed super candelabrum, ut luceat omnibus, qui in domo sunt. Huc spectant loca scripturæ superius pro Ecclesiæ perpetuitate allata, quæ externam veræ fidei doctrinam in Ecclesia perpetuam esse debere demonstrant, ut videtur est Isaïæ 59. Isaïæ 62. Ephes. 4.

87

Ratio est. Quia Ecclesia talis esse debet, ut ad eam omnes prudenter aggregari possint ac debant; cum extra eam non sit salus, ut patet ex illo Isaïæ 60. v. 11. Et aperientur portæ tuae iugiter: die ac nocte non claudentur, ut afferatur ad te fortitudine gentium, & Reges earum adducantur. Gens enim, & regnum, quod non seruerit tibi, peribit. Ergo necessarium est, ut & doctrina eius publica ac nota sit; & ut simul tam hæc ipsa doctrina, quam veritas Ecclesiæ, certis quibusdam & eximijs notis euidenter credibilis fiat. Si enim primum desit, nemo ad Ecclesiam aggregare se poterit; tum quia fides ex auditu; tum quia ad eum cœteri fidem & doctrinam nemo se adiungere potest, quæ occulta & incognita est. Si posteriorius desit, nemo per communionem prudenter eis Ecclesiæ sociare poterit; quæ, cuiuscum^o doctrina prudenter creditur non redditur. Accedit quod Ecclesia vera est etiam sancta, ut in secunda proprietate diximus: Sancta autem esse non potest, nisi veram fidem doctrinam etiam exterius profiteatur. Corde enim creditur ad iustitiam: ore autem confessio fit ad salutem. Rom. 10. vers. 10. Ergo semper ac necessario in Ecclesia vigere debet veræ fidei professio.

88

Hanc vero proprietatem Ecclesiæ pessimè oderunt Sectarij huius temporis, vt pote quam sibi minime conuenire probe intelligent, ut dicetur dubio sequenti. Quare eam expresse negat Lutherus lib. de seruo arbitrio, & in lib. contra Catharinum, & in lib. de abroganda Missa priuata part. 1. Brentius in prolegomenis contra Petrum Sotum, Caluinus Instit. lib. 4. cap. 1. §. 7. Et licet ijdem nonnunquam Christi Ecclesiæ verbo tenus admittere videantur esse visibilem, ut videare est apud eundem Lutherum de notis Ecclesiæ, & in confessione Augustana tit. de Ecclesia, & apud Witackerum de Ecclesia q. 5. cap. 1. tamen ut recte notarunt Bellarminus lib. 3. de Ecclesia cap. 11. & Stapletonius in Relect. controvers. 1. q. 3. a. 1. id merus est fucus & fumus. Reuera enim non sentiunt, nec salua sua fide sentire possunt, veram Ecclesiam ita semper esse visibilem, ut pura ac sincera vera fidei professio, legitimus que Sacramentorum & verbi diuini ministerium palam ac necessario in ea vigeat; talem enim veram Ecclesiam, iuxta suam sectam, à mille annis ostendere nullam possunt; imo nec ostendere quidem conantur; cum interim perpetuo clamant, veram Ecclesiam semper persistisse.

89

Aut ergo solum loquuntur de Ecclesia quadam Christi adulterina & secundum quid tali, aut certenihil alius volunt, quam aut Ecclesiam veram, hoc quidem tempore, expurgati scilicet Euange-

lij seu Euangelicæ doctrinæ, esse visibilem; aut, catenus quidem semper visibilem fuisse, quatenus nullo non tempore constituerit ex hominibus, utique visibilibus, penes quos sacra scriptura, saltē ipsiis libris contenta, & quædam vera Sacraenta, fideique dogmata, multistamen contra fidem erroribus permixta permanerint.

Sed hoc ad veram Ecclesiam non sufficit. Omnes enim hæretici hæc duo habere possunt, ut ipsa experientia testatur; neque tamen ideo veram Ecclesiam constituant. Neque obstat, quod Ecclesia vera creditur, ex quo Lutherus colligit, non videri. Aliud est enim quod circa Ecclesiam creditur, aliud quod videtur. Videntur enim homines simul cum externa fidei professione, & videntur etiam magna ex parte notæ, quæ Ecclesiam eiusque fidem seu fidei doctrinam euidenter credibilem faciunt, sed ipsa veritas Ecclesiæ, seu doctrinæ ac fidei Ecclesiæ non videtur, sed creditur; sicut vniuersim de fidei creditibilitate dictum q. 2. dub. 2.

Septima Ecclesiæ proprietas est, esse infallibilem, hoc est, in rebus fidei fallere aut falli necquam: quod rursum varijs modis accidit variumque sensum habet. I. Quod Ecclesia in rebus fidei controversis definiendis errare non possit, ut dictum dub. 1. II. Quod neque omnes omnino fideles in credendo à fidei veritate possint aberrare; quandoquidem est columnæ & firmamentum veritatis I. Timoth. 3. neque portæ inferi aduersari veram Ecclesiam prævalere possunt, Matth. 16. Præulerant autem, si fides vera & pura abesse, sine qua non Ecclesia esse non potest. Ex quo etiam recte colligunt, Valentia punct. 7. §. 16. & Barnes art. 10. dub. 3. Ecclesiam in nullo prorsus fidei articulo, quantumuis non ita simpliciter & absolute necessario, erfare posse; non quidem siue utratur verbo Dei, siue non, ut mendaciter dixit Caluinus lib. 4. Instit. cap. 8. §. 13. sed siue reguletur in credendo verbo Dei scripto, siue non scripto, ut recte Bellarminus cap. 14.

III. Quod neq; omnes etiam simul Pastores & Doctores Ecclesiæ, quavis ætate viuentes, in doctrina fidei errare possint: id quod non modo verum est, cum omnes omnino mathematicæ quasi consentiunt in aliquo fidei dogmate tradendo; verum etiam cum moraliter & quasi omnes consentiunt, ita ut qui ab eis dissident, aliorum comparatione, merito quasi nulli estimari possint, ut aperte colligitur ex illo Ephes. 4. v. 11. Et ipse dedit quosdam quidem Apostolus &c. Alios autem Pastores & Doctores, ad consummationem sanctorum, in opus ministerij, in adificationem corporis Christi: donec occurramus omnes in unitatem fidei, &c. ut iam non simus parvuli fluctuantes, & circumferamus omni vento doctrinæ iniquitatem hominum, in effutia, ad circumventionem erroris. Vbi cum Apostolus ait, Pastores & Doctores ad finem usque mundi à Deo constitutos esse, in adificationem corporis Christi, neque aut in fide fluctuamus, aut aliquo errore circumveniemus, utique significat, eos in docenda fide errare non posse; siquidem alias non in adificationem

sed in

sed in seductionem; neque ad fidem stabilendam, erroreque pracaendos, sed potius ad corrumpendam & destruendam fidem positi es-sent.

92 Accedit quod si Doctores & Pastores omnes in docendo errare possent, consequens foret, etiam Ecclesiam totam in credendo errare posse, quandoquidem fideles in credendo suorum Pastorum & Doctorum doctrinam sequi solent & tenentur, iuxta illud Christi Matthæi 23. vers. 3. Super cathedram Moysi sedebant scribi & pharisei: omnia ergo quæcumque dixerint vobis servate & facite; nempe in rebus ad fidem & religionem spectantibus, saltem vbi de falsitate propositæ doctrinæ expresse non constat. Neque dubium, id de scribis & phariseis, tanquam Doctoribus veteris legis præceptum, multo magis de Pastorebus & Doctorebus nouæ legis accipendum, utpote quibus speciatim in Apostolis Spiritus sancti assistentia promissa, iuxta illud Ioannis 14. vers. 16. *Ego rogabo Patrem, et alium Paraclystum dabit vobis, ut maneat vobis in aeternum; spiritum veritatis, quem mundus non potest accipere.* Et vers. 26. *Paraclystus autem spiritus sanctus, quem misset Pater in nomine meo, ille vos docebit omnia, et suggesteret vobis omnia quæcumque dixerimus vobis.* Et Ioannis 16. vers. 13. *Cum autem venerit ille spiritus veritatis, docebit vos omnem veritatem.*

Quare etiam sanctus Augustinus epist. 118. ait: *insolentissima, insanæ esse, disputare contra id, quod ubique tota frequenter Ecclesia. Et epist. 119. Ecclesia, inquit, inter multæ paleæ, multæ *Xanias* constituta, multa tolerat; et tamen que sunt contra fidem, et bonam vitam, non approbat, nec tacet, nec facit.*

93 Est autem huius proprietatis assertio contra omnes huius temporis sectarios, qui Ecclesiam visibilem in plerisque fidei dogmatibus grauerter errasse docent. E quibus Caluinus libro 4. institut. cap. 1. §. 11. ait, puram verbi prædicationem aliquo sæculis euanisse. Imo lib. 4. cap. 8. §. 13. addit, etiam veram Ecclesiam (quamvis ipsi inuisibilem faciunt) posse saltem in ijs, quæ non necessario ad salutem pertinent, errare. Vbi tamen nec ipsi quidem satis distinguere & determinare possunt, quenam sint illa, quæ non ita necessario ad salutem pertinent, quin Ecclesia in ijs errare possit, ut pluribus dicetur, dubio sequenti.

94 Imo si hæc distinguendi licentia semel admittatur, nihil fere tam certum & exploratum erit, quod non in dubium vocari possit; quandoquidem semper dubitari poterit, an hoc vel illud necessario ad salutem pertineat; exceptis illis duobus capitibus de quibus Apostolus Heb. 11. Deum esse, & prouidentiam rerum habere; itemque communibus fidei articulis in symbolo expressis. In quo tamen expresse nihil intramus partem habetur nec de Baptismo, nec de Eucharistia; nec de peccato originali; nec de gratia necessitate ad pie operandum; nec de communicatione Idiomatum, aut ubiuitate corporis Christi; nec de sanctorum invocatione, aut imaginum cultu.

Ostendit Ecclesiæ proprietas est, ad salutem æternam prorsus esse necessariam, ita ut extra Ecclesiam nemini pateat salus. Hinc enim 1. Petri 3. vers. 20. comparatur arca Noe, in qua pauci, id est, octo animæ salua factæ sunt per aquam, ceteris nimirum omnibus diluvio submersis. Quo spectat etiam illud Isaia 60. vers. 11. *Gens enim et regnum, quod non seruierit tibi, peribit.* Et Augustinus lib. 4. de symbolo cap. 10. *Non habebit Deum Patrem,* inquit, *qui noluerit Ecclesiam habere matrem.* Quod tamen intelligitur de ijs, qui ita extra Ecclesiam sunt, ut nec voto quidem intra Ecclesiam sint; siquidem Catechumeni & excommunicati per veram ac internam penitentiam iustificari & saluari possunt, etiamsi formaliter & actu in Ecclesia non sunt, ut dictum dub. præcedenti. Atque hæ sunt præcipuae proprietates Ecclesiae. Ceteræ enim, quæ à nonnullis adferuntur, ut quod sit Regnum, & Sponsa Christi, Templum Spiritus Sancti, mater omnium fidelium, &c. non tam proprietates Ecclesiae sunt, quam encomia, ac simul ex dictis facile intelliguntur. Nunc breuiter de Notis Ecclesiae agendum.

Quaritur igitur secundo, quenam generaliter sunt nota veræ Ecclesiae, quibus nimis ipsa tum ab omnibus Gentilium & Judæorum, tum maxime ab hereticorum Christi aliqui nomen proficitum coribus, facile ab unoquoque discernatur. Quia in re Sectariorum nostri temporis, ut tergiuersando viam veritati obstruere nitantur, cuiusmodi vera Ecclesiae notas assignant, quæ non minus, quam ipsa vera Ecclesia obscuræ sunt & ignotæ; nimis puram ac simplicem verbi Dei prædicationem, & veram legitimamque administrationem & usum Sacramentorum, ut videre est in confessione Auguſtana, & Apologia eiusdem art. 7. & apud Brentium in confess. Wirtenbergensi cap. de Ecclesia, & Caluinum. lib. 4. Instit. cap. 1. §. 9. 10. & 11. & apud Magdeburgenses centuria 2. lib. 1. cap. 4. qui tamen centuria 1. lib. 2. cap. 4. addunt etiam alias duas notas, nempe constantiam in confessione fidei, & obedientiam erga ministros verbi quatenus verbum administrant, conformiter Luthero, qui in ultima parte libri de Conciliis, & Ecclesia, septem Ecclesiae notas constituit. Ex quibus alijs alias, vel in pauciores contrahunt, vel omnino rejiciunt, ut videre est apud Stapletonum in relect. de principijs fidei controv. 1. q. 4. a. 5. Sed vera sententia in duabus sequentibus assertionebus consistit.

ASSERTIO I. Sincera verbi Dei prædicatio, seu vera fidei doctrina, itemque legitima Sacramentorum administratio & usus, non sunt vera ac sufficietes Ecclesiae notæ. Ita omnes Catholici, speciatim Stapletonus loc. cit. Gregorius de Valentia hic quest. 1. punct. 7. §. 17. & Bellarminus lib. 4. de Ecclesia militante cap. 2. Probatur I. Nam ad veras Ecclesiae notas requiruntur tres conditions 1. ut singulae conueniant veræ Ecclesiae. 2. ut saltem simul sumpta soli conueniant. 3. ut sint notiores, quam ipsa vera Ecclesia; si enim notiores non sint, fieri

non potest, vt per eas notificetur vera Ecclesia; quandoquidem semper id quod est notare alicuius, notius esse debet eo, quod per illam notificatur. Ita enim Cæsarei exercitus nota est Romana Aquila; exercitus Turcici semiluna, Consulis Romani pœlati fasces; Iudei flauus pilleus; vini venalis suspensa hederis, seu ramus abietis, venalis cerevisie stramen intortum, &c. at vero pura ac sincera fidei doctrina, Sacramentorumque administratio non est notior, quam ipsa Ecclesia: quia est ipsa quasi vera Ecclesia, quæ inquiritur, essentia; quo fit vt dum vera Ecclesia inquiritur, vel hoc ipso maxime inquiratur, vbinam sit vera & pura fidei prædicatio, ac legitima Sacramentorum administratio, siquidem propter hæc reperienda maxime inquiritur vera Ecclesia.

98

Sicut ergo inquirenti, vbinam sit Petrus, aut vbi habitat Consul; aut vbi sonet campana, aut in qua domo sit incendium; inepte respondebitur, Petrum, vt germani dicere solent, esse in sua cœte; Consulem habitare in sua domo; campanam illic sonare, vbi a malleo seu lingua pulsatur; in ea domo esse incendium, cuim tectum vel parietes ab igne corrupti sunt; ita propterea inepte responderetur quæreati vbi, aut quænam sit vera Ecclesia, esse eam, aut illic, vbi vera ac pura fidei doctrina, & legitima Sacramentorum administratio vigeant.

99

II. Sincera verbi Dei prædicatio, seu quod idem est, vera fidei doctrina, quam Sectarij pro nota veræ Ecclesiæ assignant, vel debet esse pura ab omni probris fidei errore, vel satis est eam, grauioribus contra fidem erroribus carere: neutrum potest dici: Ergo, &c.

Noh primum: tum quia sectarij ipsimet fatentur, Ecclesiam veram posse in leuioribus saltet, quibusdam fidei dogmatibus errare. Tum quia nota Ecclesiæ debent esse clarae & cognitū faciles ita vt facile possint innoscere omnibus, etiam plebejs; quandoquidem omnibus incumbit necessitas viuendi in vera Ecclesia, vt superius dictum: at vero moraliter impossibile est, vt homines plebeij & vulgares (qualis solet esse, maxima pars hominum; qui saepe nec terminos quidē rerum earū, quæhodie in controvèrsiā vocantur, probe intelligunt, vt quid sit peccatum; quid peccatum originale; quid iustificatio; quid proprie redemptio generis humani; quid natura; quid persona; quid vno personalis; quid transubstantiatio; quid esse circumscriptum vel incircumscripsum Corporis Christi, & alia quam plurima, de quibus hodie contra Sectarios disputatur) proprio marte ac nullo Ecclesiæ iam antea cognitæ iudicio præente, in omnibus & singulis eiusmodi fidei controvèrsijs, veram ac puram fidei doctrinam intelligent, & à falla discernant. Tum quia in tota latitudine doctrinæ fidei, hic ipse etiam articulus de vera Ecclesia comprehenditur: si ergo non nisi totius doctrinæ fidei puritas, nota est Ecclesiæ, tunc ea secundum aliquam sui partem erit nota sui ipsius, atque adeo scipsa magis vel minus, prius & posterioris nota.

Neque secundum dici potest. Tum quia hoc modo Ecclesia Lutherana Zwinglianis esse deberet vera Ecclesia; & Zwingiana Lutheranis: imo etiam utriusque fateri deberent, Pelagianorum Ecclesiam olim veram fuisse Ecclesiam; saltem antequam inde prodiret Nestoriani hæresis; cum plane in precipuis quibusque articulis cum vera Ecclesia conuenirent; quæ tamen onnia Sectarij huius temporis negant. Nam Lutherus tomo 7. in defensione verborum Coenæ aperte scripsit: *Hereticos serie censemus, & alienos ab Ecclesia Dei Zwingianos & sacramentarios omnes.* Et Catholicos non ob aliā causam magis Sectarij censent hæreticos, nisi quia eos Pelagianos esse vociferantur. Tum quia quævis pars verae fidei doctrinæ potest esse communis falsa Ecclesia: Ergo fieri non potest, vt ea sit veræ Ecclesiæ nota. Antecedens probatur; quia ad falsam Ecclesiam constituendam sufficit quælibet hæresis, adeoque unicus error contra fidem pertinaciter defensus. Denique nullum certum criminem assignant, vel assignare possunt Sectarij, ex quo certum iudicium faciunt, quinam sint substantiales fidei articuli seu dogmata, quorum certa fides ad veram Ecclesiam requiratur; & qui non sint, vt pluribus dicitur dubio sequenti.

III. Impossibile est, illas esse veras & idoneas notas Ecclesiæ vera manifestandæ, quas nisi prius de Ecclesia vera constet, omnes hæretici sibi arrogant, & suis lectis præfigere possunt & solent; sed tales sunt pura fidei prædicatio, & legitima Sacramentorum administratio; vt patet tum quotidiana experientia. Omnes enim huius temporis Sectarij, Lutherani, Calvinista, Zwingiani, Anabaptista, Trinitarii &c. has veræ Ecclesiæ notas penes se esse iactant: tum quia vt dictum dub. 1. omnes sectarij scripturam in suas partes traheant, & ex illis suam doctrinam ac Sacramentorum administrationem tueri solent; & saepe etiam irrefragabiliter possent, nisi iudicium Ecclesie iam aliunde note interponeretur. Quo spectat etiam illud Augustini lib. 3. de baptismo contra Donatistas cap. 19. vbi ait: *Omnes seductores non aliter populos fascillerunt, nisi prætextu sacramentorum & scripturarum, que tenent ad speciem non ad salutem: dum nimis, vt ibidem ait, ad imagines phantasmatum furu[m] carnales atq[ue] seductores hæretici conuertunt omnia Sacra menta, & verba librorum sanctorum.*

IV. Neceile est prius veram Ecclesiam esse cognitam, quam de veritate doctrinæ fidei, in singulis capitibus cum hæreticis controvèrsijs, ex verbo Dei particulatim constet: Ergo impossibile est, vt veritas doctrinæ in singulis quibusque articulis fidei cum hæreticis controvèrsijs, nota sit vera Ecclesiæ. Consequentia patet; quia nota debet esse prius cognita, quam id quod ex ea notificatur. Antecedens probatur. Tum quia controvèrsiæ de veritate doctrinæ fidei, in singulis quibusque capitibus controvèrsijs, non possunt satis diudicari,

nisi

nisi prius constet de legitimo iudice eiusmodi controversiarum: hic autem index est ipsa vera Ecclesia, ut dictum dub. 1. Tum quia secundum legem Dei ordinariam, homines debent doceri, & veram fidei doctrinam à toto genere accipere ab ipsa vera Ecclesia: Ergo necessis est, ut prius illis sit manifesta Ecclesia, quam vera fidei doctrina; saltem in plerisque particularibus veræ fidei articulis & dogmatibus. Antecedens hoc probatur, ex modo, quo homines olim veram fidei doctrinam perceperunt. Paulus enim prius didicit, in quanam ciuitatem vera fidei doctrina haurienda esset, simulque Ananiam esse veræ Ecclesiæ Doctorem, quam impleretur Spiritu Sancto, plenamque veræ fidei cognitionem acciperet, Act. 9. Cornelius item prius cognovit, Simonem Petrum esse, veræ Ecclesiæ Doctorem, quam ab eodem de singulis fidei veritatis particulatim edocitus esset, Act. 10.

103 Deinde quæstquot per Apostolos crediderunt, ideo certe crediderunt, quod miraculis & signis testatum illis factum esset, Apostolos esse veræ, & à Deo constitutæ Ecclesiæ membra, & Doctores: neque illi vñquam plenam fidei doctrinam percepissent, nisi per cognitos prius veræ Ecclesiæ Doctores: sicut etiamnum hodie fideles communiter veram fidei doctrinam, in singulis quibusque articulis, non aliunde, quam ab ipsa Ecclesia docentur & accipiunt: idque apud ipsos etiam Sectarios hodie consuetum est. Quod tamen non obstat, quo minus veritas vnius vel alterius articuli fidei, sicut etiam totius doctrinæ Christianæ in genere, per communia fidei motiva, simul cum ipsa vera Ecclesia hoc ipso innoteat, quod per illa ipsa euidenter credibile sit, tam hunc ipsum, vel illum articulum fidei, per aliquod miraculum v. g. confirmatum, esse euidenter credibilem; quam eam ipsum, in qua talia miracula sunt, esse veram Ecclesiam, à qua etiam alij similiter addiscendi sint.

104 V. Denique Notæ illæ Sectariorum adeo ignotæ fuerunt antiquis Patribus, ut sèpe ipsi diserte moneant, suoque exemplo doceant, hereticos non tam ex scripturis, aut ex ipsis doctrinæ capitibus sigillatim excussis; quam ex alijs communibus quibusdam præscriptionibus & argumentis, seu notis veræ Ecclesiæ esse conuincendos. Ad quod præcipue institutum, suum etiam librum de præscriptionibus aduersus omnes hereticos edidit Tertullianus; vt & Cyprianus, & Augustinus suum quisque librum de vnitate Ecclesiæ; nec non & Vincentius Lyrinensis generale monitorium contra prophanas hæresim nouitates. Ex quibus omnibus euidenter patescit, notas illas veræ Ecclesiæ à Sectarijs assignatas, vanas & futilis, imo nullas esse. De qua re præter citatos, plura Bellarminus lib. 4. de Ecclesia militante cap. 2. Vbi etiam in specie refutat duas illas adiectitias notas Magdeburgensem, & alias quas numerauit Lutherus loc. citat.

105 ASSERTIO II. Notæ veræ Ecclesiæ, secundum eum præcipue statum, quem habet post disseminatum in orbe Euangelium, sunt sex illæ priores proprietates Ecclesiæ superioris recensitæ; quod nimirum sit una, sancta, Catholica, Apostolica, recte ordinata, visibilis. Ita Gregorius de Valentia loc. cit. Ratio est; quia proprietates illæ tales sunt, ut & notiores sint Ecclesia; & singulæ veræ Ecclesiæ, in hoc quidem statu, necessario conueniant; & omnes simul non possint nisi veræ Ecclesiæ conuenire. Quo fit, ut nulla congregatio, quæ vel vna aliqua ex illis notis caret, possit esse veræ Ecclesia, & simul, ut ea necessario sit veræ Ecclesia, cui omnes simul conueniunt. Imo quia demonstratum est, singulas necessario veræ Christi semper in terris existenti Ecclesiæ conuenire; hinc fit, ut si vnam tantum sit reperire Ecclesiam, cui aliqua ex singulis conueniat, necessario inferatur, eam solam esse veram Christi Ecclesiam. Præterquam quod sanctitas, & visibilitas Ecclesiæ, ad modum superioris dictum explicata, etiam per se spectata, non possunt vili Ecclesiæ conuenire, nisi veræ.

106 Neque refert primo, quod à nonnullis auctoribus plures notæ afferantur, & quidem à Bellarmino loc. citat. quindecim. Nam omnes illæ ad has sex reuocantur; & quedam ex illis non tam sunt notæ discernendi vnam Ecclesiam inter variis Christianorum cœtus, de qua re hic potissimum agimus; quam communia fidei motiva, quibus vniuersim persuadetur, Christianam Ecclesiam, prout à Gentilium, Iudeorum, & Mahometanorum cœtibus distinguitur, generatim loquendo, esse veram Ecclesiam; de quibus egimus quæst. 2. dub. 8.

Nec obstat secundo, quod illa tam ampla per vniuersum orbem diffusio, primæ Christi Ecclesiæ, in suis quasi incunabulis existenti non conuenierit. Nam & hoc ipsum à Christo prædictum fuit, eam initio quidem patuam, velut granum sinapis, postea vero amplissimè diffundendam. Sicut ergo de sinapis frutice, non quidem iam' primum succrescente, sed postea quam adoleuit recte dicitur, eius proprium esse, ut suos ramos quam latissime propaget, ita etiam de Ecclesia iudicandum: & per se constat, non easdem vniuersim esse notas pueri in cunis iacentis, & eiusdem postea ad virilem ætatem perduci; huius enim nota frequenter & potissimum esse soler certus capillorum & barbæ color & conformatio; qualis tamen nota in infante locum non habet. Plura dubio sequenti.